

Sää'mvuu'd kää'dd liä alttääm õhttsa sää'm kiõllstrategia tuejjummuž

Jeänõõgg, Aanar, Suä'djel da Uccjoogg kää'dd liä alttääm õhttsa sää'm kiõllstrategia tuejjummuž. Täävtössân lij strategia mie'ldd pue'reed sää'mkiõl statuuzz koo'ddin.

- Sää'mvuu'd koo'ddin lij sää'mkiõll-lää'jj mie'ldd õõlgtummuš ta'rjjeed ká'ddaassjid kääzkkõõzzid sää'mkiõlin. Tán rájja kää'dd liä riáššâm kääzkkõõzzid juõ'kkkaž jiijjâs naa'lin, leša koo'ddin liä jiânnai seämmanallšem va'žžtõõzz sää'mkiõllsai kääzkkõõzzi riáššmõõžžâst. Õhttsa kiõllstrategia mie'ldd koo'ddin lij vuäittmõš rä'tkķeed pro'ble'msõõ'jid õõutveäkka da plaaneed sää'mkiõllsai kääzkkõõzzi riáššmõš kuu'kkab äi'ggkõõskâst, sárnn kiõllstrategiatuejjlaž Tuuli Miettunen.

Kiõllstrategiatuejj pešt čõhččmannu aalgâst ee'jj 2019 lo'ppe. Sää'mvuu'd koo'ddi kiõllstrategia lij Lää'ddjânnam vuõssmõš sää'mkiõlid kuõskki kiõllstrategia da tõt kuâskk koo'ddi juõ'kk tuáimmjemvuu'd. Aalgtõs sää'm kiõllstrategia tuejjumšest puõ'di aalg ää'ljee'l Aanar ká'ddvä'lddõsnii'kķin. Še jee'res sää'mvuu'd koo'ddin to'bddeš taarb kiõllstrategiaa'je da tõn diõtt kää'dd liä õõutveäkka vuâlggam viikkâd ooudâs sää'm kiõllstrategia. Mie'ldd vuä'pstemjooukâst liä še Sää'mte'gg da Sää'mvuu'd škoou'l'jemkõõskõs.

Kiõllstrategiatuejj õuddan loppee'jj poodd jeä'rbi mie'ldd koo'ddi sää'mkiõllsai tuejjlai kuullmõõžžin. Ká'ddaassji jurddjid čiõlggeet ne'ttkõjldõõžžin, koon lijkk i'lmstââvv má'ηηlubust čâhčča.

- Ká'ddaassjin tuäivvap maacctõõzzid ân'jõž kääzkkõõžžin, nu't še puârast o'nnstam gu še tõin, koid vuäitči võl pue'reed. Ká'ddaassji da koo'ddi sää'mkiõllsai tuejjlai toobdâlm liä kõskksââ'jest kiõllstrategiatuejjast, sárnn Miettunen.

Lââ'ssteâđ:

Tuuli Miettunen

Kiõllstrategiatuejjlaž

Aanar ká'dd

tuuli.miettunen@inari.fi

te'l. 040 359 0427